


ERA GARBÉRA

Revista entà mainatges e mainades · Num. 54 · An 2015 · 4€



Pin Monet





Deishatz estar Monet.
Melhor es montanhes, es
barrancs e es amics.



AÇÒ ERE E NON ERE

ME DESVELHI O NON ME DESVELHI?

ENTÀ JOANOT

Non sabi s'arrebrembatz aguesta sensacion. Sabetz açò de que te desvelhes dus o tres còps? Òc, òc, açò que te lheues peth maitin e te penses qu'ès desvelhat, e de patac, ès ena codina, O en vàter, o en carrèr e... pop! Te desvelhes un shinhau mès! Vos a passat?

A jo me passe fòrça dies. Aué tanben.

Arrebrembè anar tath vàter, e dempús tara codina, e quan èra ena taula en tot minjar ues torrades damb tomata e òli... pop! Com se m'auessa desvelhat un shinhau mès!

-Òsca! Ara òc que sò desvelhat!

-Mrrrrrrrrfff...- Didie era mia fraia saiant-ac.

Per qué que passe açò?

Quan vedí a Laura Malqueda me demoraue estonada damb eth mobil. Malqueda ère un malnòm que li metérem

Es amigues per... en fin... ja sabetz...

-Ei Tia! Te cau veir açò!

-Qué ei?

-Guarda, guarda...

Ère un indi que minjaue un veire damb era ment.

-Com ac hè? -Didec Laura

-Açò ei mentida, hemna!



-Qué dides! Non ac ves o qué? Aguest tio a poders mentaus! Ei coma era pellicula aquera dera tia que potèncie eth cervèth Enquiath limit e pòt botjar causes.

-Quina?

-Aquera de Scarlet Johanson!

-Ahhh!! Era de Lucy!

-Òc! Aquera! T'imagines que potenciès-sem eth cervèth tot çò que se pòt? Podèriem volar, e desaparèisher, e...

-Va, vam! Cabarniàs!

Quate setmanes m'auie costat quedar damb Laura entà anar tara piscina a hèr natacion. Se non li talhi eth ròlho, auríem estat tota era tarde en tot veir vidèos de cònha.

-Ara òc que mos meteram en forma, eh? -Didie Laura en tot hèr bòla damb eth braç. Ath cap de 10 menutes ja non podíem mès. Jo èra agarrat as corcheres aqueres que separen es ralhs, e Laura auie gessut dera aigua e ère estenu- da en tèrra coma se s'auesse descoratjat. Siguèrem 10 menutes mès entà recuperar er alend.

-Ja me recupèri! -Didec Laura- Ohhhh! Qué ben... Ara me tròbi de categoria... sò tan lucida que poderia hèr un examen de matematicues. -Òc! Ei com desvelhar-se per tresau còp! - Didí jo.

-? - Me guardèc

-Clar! Ja ac è! Se hem espòrt podem esclarir era ment enquiara fin!

-?

-Òc, òme! Coma Lucy! -Auie estat tot eth dia dant-li torns a per qué passaue açò de desvel- har-se dus còps, e dempús de soscar un dusau didí - mos cau hèr natacion toti es dies! E atau poderam desvelhar-mos continuament e poten- ciar eth cervèth! Laura, deman tàs ueit dejós de casa!

-Deman... non sabi... non pogui.

-Donques deman passat!

-È dentista.

-Eth dijaus!

-Vau tà classa de guitarra... Mès ja mos veiram era pròplèu setmana, non? O... era auta...

-Mès segur, eh? Mos cau hèr-mos supereroïnes! Ara ac è vist clar!

-Quan tè mancat jo!



Reflexionam.


-Cres qu'èr espòrt tanben ei bon entath cervèth? Per qué?

-Quina causa haries se siguesses supèr, supèr, supèr, supèr intelligent/a?

PASCALET e COMPANHIA

RAFA REINOSO.





ETH PIN DE PLAU DE NAUT

Un arbe monumentau ei aqueth que per mesures excepcionaus laguens dera sua espècia o pera sua edat, istòria o particularitat scientifica merite ues mesures de proteccion.

Ena Val d'Aran, entre es **220 arbes monumentaus** que i a catalogadi en Catalonha, n'auem dus, mès n'i a un que ja ei mòrt. Atau que vos explicaram quauquarren deth qu'ei viu: eth Pin de de Plau de Naut.

Era nautada d'aguest pin non ei extraordinària, mesure 15 mètres, mès òc que ne son es 16 mètres de diamètre qu'a era sua capçada, atau coma era circonfèrècia deth sòn tronc de 4,33 mètres (mesura prenuda a 1,30 mètres de tèrra).

·Aguest ei plaçat ath dessús des pòbles de Mont e Montcorbau, encara qu'ei en monte d'aguest darrèr pòble, coneishut com "Casa Sasplaga e Cròdos", a 1.700 mètres.

·Entà arribar-i mos calerà anar entà Mont, pujar pera pista forestau que ges deth pòble e mos apròpe ath sòn monte.

·Deisharam eth coche ath cant deth depòsit dera aigua e començaram a caminar pes tiraderes hètes entara extraccion deth profitament dera husta.


·Eth primèr clar de bòsc que traparam ei eth Plau de

Baish, mès nosati auram de seguir enquia arribar en Plau de Naut.

·Ei aqui que traparam eth nòste majestuós pin, ath cant d'ua cabana, eth refugi deth pastor.

Calculatz qua cau caminar entre 45 minutes e 1 ora

15 mètres



Rota qu'amie entath Pin deth Plau de Naut

En aguesta adreça trobaratz toti es arbes monumentaus damb era sua ficha tecnica:
http://parcsnaturals.gencat.cat/ca/coneixeu-nos/arbres-monumentals/am_arbres-monumentals_fitxes/vall_daran/

Informacion facilitada per Gemma Arjò, Departament de Territori deth Conselh Generau d'Aran.

Conselh Generau d'Aran



Damb era colaboracion de : Generalitat de Catalunya
 Departament de Cultura i Mitjans de Comunicació
 SECRETARIA DE MITJANS DE COMUNICACIÓ.
 Damb era colaboracion deth Conselh Generau d'Aran




Diputació de Lleida



**INSTITUT
 D'ESTUDIS
 ILERDENCs**

Fundació Pública de la Diputació de Lleida



OTÉL MONSTER


TONY JORDAN




NON SABI
S'AGUEST EI ETH
MELHOR CAUÇAT...



BEN, ARA NON È
NE CINC CENTIMS,
QUAN CRUBA ME
CROMPARÈ UES
SABATES COMA
TÒQUE.



ARA ÒC
QUÈ JA SÒ
PRÈST!



ATENÇION
QUE VAU!




HOP!

HOP...!




ALE HOP!




CAU VEIR QUIN
TEATRE QUÈ HÈS
SOLAMENT TI-
RAR-TE EN SOFÀ A
HÈR ER OCÌOS!

EI, CADUN
A ES SUES
AFICIONS.


I A GENT QUE LI
AGRADE HÈR ESPÒRT
E JO NON DIGUI
ARREN!



PASSATEMPS



COMPLETA ETH
SUDOKU. NON CAU
REPETIR CAP FIGURA EN
UA MADEISHA HILERA,
COLOMNA O
VINHETA.



DIBOISHA ENES VINHETES A
COMPDA DES DIALOGS.

RAPID, TORNA
ABANS QUE VENGUEN
ES VERDONS!




QUE?
VERDONS!?

RAPID!!!



CERCA ES SET DIFERENCIES!





QUAN ARRIBE ERA TARDOR BÈRI
ARBES PÈRDEN ES SUES HUELHES
E SE QUEDEN ESPELADI



A JO SE ME
QUÈ ETH PEU




E COMA ETH CLIMA CÀMBIE E UN DIA
PLÀ E ER AUTE HÈ CALOR, JO TANBEN
PASSI DIES BONI E DOLENTI




SE HÈ
DE NET





ES DIES COMA AUÈ SOLAMENT
ME VEN DE GUST ÈSTER QUIET,
RESPIRAR DAMB ERA
AULOR TANT BONA QUE
HÈ E SENTER UN SHINHAU
D'AGUEST HEIREO
TAN NAU





GAT NINJA e KAMIKAZE PIO



GÖSSET NINJA e KAMIKAZE-CUAC

VENGUEM D'UA D'IMENSION PARALLÈLA, UN MON SEMBLANT A AGUEST, MÈS NON PARIÈR, EN QUE MOS DEDICAM A COMBÀTER ETH MAU





ENA NÒSTA DIMENSION I A UN MAUVAT QUE FABRIQUE PÒRTES DIMENSIONAUS TÀ ARRIBAR EN TOTI ES MONS E DOMINAR ER UNIVÈRS.

ERA TUA PÒRTA!

QUINA PÒRTA?



ERA PÒRTA QUE CROMPÈS ENA TELEBOTIGA E TRINQUÈS DAMB ETH TÒN GROS CU!

EH, ETH MÈN CÒ EÌ FONCIONAU!

ES PÒRTES SE VENEN EN CADA DIMENSION E A TRAUÈS D'ÈRES ETH MAUVAT INTRO-DUSIS ES SUES ARMADES ENTÀ ESPÍAR ER ENTORN.

JASA, VAU A DOMINAR ER UNIVÈRS E ATH DELÀ ME PAGUEN!



ARMADES? MÈS ALAVETZ JA M'ON AURIEM ASSABENTAT, NON?

ACÍ EÌ ER AHÈR...

ER AHÈR EÌ VRESPALHAR?

TANT DE BON.



ÈREM EN SÒN REFUGI E A PUNT DE CONÈISHER ES SÒNS PLANS E DERROTAR-LO...

RENDIS-TE, SENHOR DES PÒRTES!

MALADICCION!



QUAN ERA PÒRTA SUS QU'ÈRE SE TRINQUÈC E COINCIDIC AMB ERA VÒSTA E ACABÈREM EN AGUESTA DIMENSION.

LECA-TE AGUESTA, PATÓS!



ATAU QU'ARA MOS CAU DAR PRÈSSA ENTÀ SABER CE QUÉ PASSE. VOLERATZ AJUDAR-MOS?

ME SENTES?

OC, DESENCUSA, EÌ QU'AGUESTA MOSCA...



NORMAMENT SÒ VEGETARIAN, MÈS...



DONQUES JO PREFERISQUÍ GELAT...

NHAC!
GLUB!
EMPASSA!



IAGUEST PORIC DERA AUTA DIMENSION S'A EMPASSAT UA DES MIES MOSQUES-ROBÒT ESPÍES!



PER SÒRT, ENCARA M'EN DEMOREN MÈS... VOLATZ DAMB ES VÒSTES CAMÈRES...




MOS CAU HÈR UN PLAN! TE SEGUÏM?

NON, VAU A HÈR UA AUTA CAUSA...



ETH QUÉ?





ES BUDÈTHS ME HÈN... E D'EXPLICA'C TÒT?

EN BOCA BARRADA NON ENTREN MOSQUES.












TONET E MOSSET



Ena marmita.





CÒRGELAT



AMORÓS